


龍溪遺稿

共二

~ 18
2454
1





2429
1-2

18
2454

403.15 西川

龍溪遺稿卷之一



夜愁 以下辛卯年

愁人夜多愁逢夜心先怯愁來睡魔走耿々眼開闔待
睡如待人防愁若防寇防之竟莫防甘作愁所誘琅々
已往事箇々將來計心頭千萬緒自是一人世丁東彼
更鼓誰使逢々搗三更纔已過四更今幾何風高聲半
碎點刻不分明披衣忽起坐落月低簷楹

宮詞次醒微韻

聖微月次李相
國字即公朝也

宮樹低侵月一眉晴花和露落前池
矯頭南殿聞歌響
香盡金爐不自知

龍溪遺稿卷之一

李廣不封效古體

飛將在北時匈奴盡奔馳天子不許大將旗君
王手中禍福柄數非自奇君所奇當時衛李兩將軍未
聞徒手開邊徼長驅十萬入不毛漢卒死多胡死少歸
來腰下萬戶印八方傳頌稱元勳人當有妹顏如玉不
必奇謀傾八垠

春日偶吟

寂之支願坐悠悠閱歲華草長春覺晚花斂日知斜樹
影移前檻鶯聲滿後家風光如許好人事足悲嗟
園中有鳥啼作願死之聲

月明風軟樹陰清爾獨朝為願死鳥音人語從來異
誰料茲聲是好聲

讀靖節集

北窓元是葛天天休道淵明晉代賢詩詠五言皆古調
琴長三尺去朱絃閑雲舒卷無何裡倦鳥飛還廣漠邊
末路銅章知可辱辭官非避太初年

墻下松

青、墻下松種在春花外春花隔眼前欲見終無奈

次倚窓舍兄詠牧丹韻倚窓諱業男

羅質豐容人共羨易零無實我還誇久在恐為人厭見

實存應作俗夫花

附原韻

倚窓

觀於海者難為水始信鄒賈語不誇晴窓曉日看渠
後開眼東風未見花

烟與島中絕句以下壬辰年

老母風塵外殘生烟雨舟斜陽垂淚眼倚棹看遊鷗
海濶三千里橫高數百尋西關杳何許烟霧萬重深

次沈相聽天韻

披圖指點舊山川千里三韓幾邑全
宛射蒼旻雲月苦血漫青草野風腫他鄉驚見清明節
華髮新添癸巳年

昨夜分明故園夢老梅猶在短牆前

溟渤東馳作巨川一隅牙縣幸能全
烟霞釀雨山光暝蛟鱓驅風海氣腫
賊入都城今幾日王遷關塞已經年
腐儒無力清氣侵淚下中宵濕枕前

吾家元在小乾川遙想今來誰得全
破砌頽垣埋草莽寒梅老木入腥膻
思歸殘夢驚三夜離土孤蹤了一年
飄轉天涯幸不死願看收復此生前

次韻杜詩

千里神州虜殺昏血沾原野碧成痕
雲迷絕塞是行殿灰冷荒墟知舊村
殘夢三更驚漢樹羈魂二載掩柴門

危樓一夕思君淚獨向青山拜蜀魂

滯雨牙山客軒走草長篇篇內三西即程山外

春雲漠漠春雨作過盡中春又三月海風東來撼地軸
庭木摧垂階竹折客館三日不歸去主不留人兩挽客
吾生無處不為客蓬轉東西無定跡三西亦客柳野客
作客非獨牙山邑人情所向即為家一夕歸思高飛鶴
深居厦屋又如此何況天涯征戍卒王師北來萬為群
露宿松都再經朔家鄉香幾千里鐵衣凍冷炊烟濕
吾民乎額望旌旗洒掃京師爭指日川流漲急行洛滑
征馬凌兢難跋涉坐令收復歲月遲拯濟吾東天未啟

開衡雲退日舍歷事可考恨吾不及古人之正直

獨坐偶吟

微雨洗春樹濃陰罩晚城庭空一鳥過花落數枝輕悄
坐成獨寒人斷行窮愁回不語孤靜似忘情

夜看杜詩因次薄暮韻以下在禮山時

病後空皮骨天涯且歲時水寒鳴宿鴈風動墮枯枝燈
爐臨書暗妻顏入夢悲茫然十年事心緒亂於絲

秋虫次韻

爾獨全天賦能隨節候吟露華雙股冷草葉眾聲陰箇
新秋意蕭蕭久客心朝暉破沉寂人籟皆虫音

龍溪初卷之一
四
聞和議

蒼黃人可恃，顛沛事堪憐。聖志方懸膽，群情且息肩。勞
深寧擇地，計盡但歸天。獨撫中宵劍，蕭蕭白滿顛。

雨後看韻

一堵奇觀滿四郊，天公穎脫問誰教。風開宿霧呈山嶂，
春挾新晴上樹梢。野外城殘虧月暈，田間隄圯作坤交。
兒啼婢咄床，濕自歎年前懶畫茅。

自遣

乾坤萬事豈前期，一榻烏山兩滿陂。半面功名潘岳拙，
平生風月鮑牙知。漢郊倘不生戎馬，湖海那能有我詩。

且乞西鄰黃犢子，趁晴耕種未全癡。

觀影笑十韻

製作何人手，軒皇運智精。析微毫莫道，推隱鬼難爭。地
理隨增減，天文入變更。傍連仍作卜，橫戴却成丁。櫛比
窓櫺密，闌干屋柱并。乘除紛上下，進退忽縱橫。井、孔
明傳多，韓信兵排稠。心轉小，吟疾手還輕。雄愛帷中
傑，貪嫌燭下生。北窓春睡後，賴爾送陰晴。

次唐詩牧童韻示學詩童子

朝出林烟霏，暮歸山日落。牛馴草正長，枕蓑眠不惡。
飲溪溪水渾，入谷林花落。背上睡正酣，風雷無作惡。

老牛馴可乘背安身磊落橫行彼獲兒踏交一何惡
驅牛朝出門春雨滿墟落何用覓蓑衣裸身也非惡

自把新詩教鸚鵡詩二十韻

吳姬誇玉質隴鳥稟金精相對一般色與詩三絕成紗
窓芳草晚繡戶落花晴屏後開雲母簾寒捲水晶琴心
愁不耐錦字數誰賡妬殺雙栖鳥生憎喚夢鶯憐渠能
巧慧對我共孤惻淡比鷄隨宋情同燕伴京輶憑朱檻
立喚起綠衣名飛躍雕籠出低回絳袂行齒開疑貝動
隨衣亞綠雲傾宛孌懷春句琅璫碎玉聲空庭惟兩影凡
鳥罷群鳴竦聽頭微側精心古更輕聲音俄滑熟詩律

不分明珠朗調絃瑟嬌癡學語嬰咬々嗟綺語箇々吐
芳情渡柳隨風細穿花惹霧營教餘仍久之聲罷有餘
清寂々無人見爐烟暮自橫

贈別長吉

雪作花飛相會面花飛如雪又相離重逢定在塵清後
他日期君漢水涯

李中甫將歸藍浦題贈

愁至難消遣缸乾空戴巾籌邊敦聖主憂國委窮人飢
卷天寒噪陰雲日暮宅君歸誰作伴書卷獨相親

用安同知韻以下丙申年

青冥高議屬明時可笑欷歔安用之放浪湖山惟脚健
支持冠帶覺身衰一雙履在君休侮四十年非我已知
點檢半生還獨哂坐看斜月到梧枝
寒鴻去燕各隨時孰使之行孰厄之病愛圖書仍作癖
憂催鬢髮不禁衰詩成好語無人會酒罷狂言畏俗知
有意歸田今已決卜居從此覓西枝

孔雀行

孔雀渡海來人人相顧賀賊來入金山始道賊賣我將
士笑死綏廟堂講上計宮闕一炬盡衣冠散草際可憐
閨中婦不識中門外蒼黃林斧間委身隨兇賊眼前殺
夫家視之不敢哭賊去委道傍有兒在其腹借問兒父
誰平生抱耻辱耻辱不足教兒生恐類父

客居

客居小於斗我勝客不得半起已打背欲卧未伸脚開
窓運我頸恰如虫負殼我初動遭觸衣帽半碎裂邇來
慣入門便匍匐不遇鄉里兒長折腰三尺有時出
門去亦有低頭角宅中更無人老婢與病僕門扉掩不
開竟日烟滿屋縱令回也居恐難不改樂所賴此老胸
八九雲夢澤

訪乾川舊宅有感

龍溪雜錄卷之一
七
以訝非吾宅窮尋得卧槐傷心摧樹木滿目長蒿萊塢
缺隣人過堂傾屋瓦堆重新我何力忍淚獨徘徊

月夜遊龍浦

憶昨庚寅八月夜小初長笛此留連七載歸來尋舊跡
江風景似當年栗洲樹影高低月龍浦秋光上下天
清興未闌瓶已倒喚人酌酒更登船

效立巖次李白將進酒韻

君不見尋真仙子入山來骨化白雲終不迴又不見名
場擾攘爭一髮心内生烟髮生雪殷勤我策三十六策
一把酒邀明月閑愁奈北豪氣發朽容變盡朱顏來醉

來擡頭天地小眼前但見壺與杯平生友一翅生納我
羣胥鄉使我無視聽古人未知其趣耳知之何得獨長
醒生前富貴亦不顧身後靈惠千載名陶然兀然此其
味不論賢愚可共譔風塵世事那忍聞一日要須三百
酌飢不食寒不裘但當買酒釀醉此生不復人間愁

曉發靜林村

九月自宜還樓
山此水東地也

客房無聲秋夜長擁衾不暖夢即覺卧聞人語語天明
呼僮出門催曉發行過盡十里陂迎得明星照露月
蒼茫色路不分前山忽近後山沒巖花散葉不識身
滿背清霜寒入骨東方漸高入影身聲盡蕭蕭風淅

荒程八草半沮如夜橫踟躕濕衣襪有時羸馬過深泥
沒脚滑蹄顛頓談面語同行吾不歡人間無處非今日
明朝弟兄把酒時盡取茲行伴閑說

咏雪

乾坤蕭索歲將終天未陰雲忽萬重已許春花為後進
更令朝露作先容庭前夜響關摧竹窓外晴光見壓松
詩句欲成看又聳擬追橋上昔賢蹤
盡日霏、夜又終玉峯瓊樹暗重、鷺鷥相對難為色
螟螣深藏不自容生意十分千頃麥精神一倍獨株松
暮歸山客敬簑笠步、田者好舊蹤

松上雪

天公奪我千林葉酬以瓊柯與玉枝惟有不羸髯御史
舊青新白兩兼之

虞美人

百戰但見君王捷不見君王北神雕所向靈犀壯今日
霜蹄何事獨周防四面楚歌歌不已悲涼壯士淚花顏
雲鬢奈爾何碧草香魂千載恨難磨

憶秦娥

清渭水珠箔青樓勞夢思勞夢思梅花一窻明月千里
雲鴻不傳相思字寶瑟朱絃愁不理愁不理湘江日暮

采蘭芷

臨江公

江上公翁誰氏子去來一葉扁舟蘆花楓葉滿江秋飛
來縞衣鶴烟雨共遲留 飛過南溟與北海長風袖裡
颺、俯看塵世一蜉蝣行逢回道士期會岳陽樓

漁家傲

秋江風急不恬靜移泊蘆葦待少定晚來風霽波如鏡
理小艇過盡柳堤婆娑影 亭、殘日度西嶺罷釣歸
來江月迥前村換酒探幽勝多少興不復塵埃到心境

在江都寄伯氏兼示諸兄弟

以下丁酉兼
春秋在江華

客裡逢寒食江南有弟兄薄官仍作別邊塞更聞兵夜
夢槐亭散春拋柳野耕疲動病康樂今夕最閑情

讀靖節集

田家稚子候荆扉酒熟山中悟昨非景晏孤松方鬢
春深五柳正依依、白蓮社裏逢黃面黃菊籬邊待白衣
太古清風北窓晚鳥還雲出與忘機

贈張士深

歲月蓬頭裡朝廷醉眼中逢人先訪冠無食却謀僮窓
破風如箭衾寒卧似弓南鄰有良友頌慰少陵窮

數瘦示諸友

吾年十五六腰腹早豐實理細滑側手肉厚深藏骨漸
覺行步慢未夏身便汗常愁肉成山取笑同行伴駁
歲月馳三十來如期年多應已繁事劇憂亦隨容貌已
成醜肌膚忽覺羸喪亂身餘樂公私腸內熱朱顏日凋
槁無復舊形質峻增月下形齟齬燈前影褰裳鶴脛長
掩袖鷄腳冷舩稜面生角磊砢頭露節上馬髀先痛遇
寒身自怯夜來愁作惡睡魔為所逐久卧筋骨酸碾轉
終不耐被衾罵妻怒更將緼袍籍上肩下至踵手撫心
不寧參差細大骸羅列呈其形鋸尖劒戟立糾纏藤蘿
橫突豸凸為丘窪迹凹作臼皮枯魚且綖剝落洗更垢

蟻虱喜得所鱗甲為淵藪叱搔聲軟々日夜長不絕當
胸喘息高决々如掣物腸腑在臍下指點疑可掇往者
稍瘦時自喜支體輕中年露圭角坐卧憂不平自從柴
毀甚明知死乃休咄々不能已嘿々思所由利戰異子
夏詩癖非杜甫蟠胸勃鬱氣掩抑澆不去四窮始為崇
二豎終作難三分愛君憂一半傷時歎枚數半生事如
死今已晚四十已知非迷途實非遠跨馬出何之畏寒
宜箴六夏時自有人賤者泚所恤無墮有牛衣足以安
吾眠閉門負朝陽黃卷是堯弦宜獨身日肥亦可終天
年思量一味長睡起日在房吾言本不妄幸勿嘲瘦狂

示江都諸友

世亂生亦苦容裡寒無趣群居一笑樂自是當上壽隆
寒熱病夫咫尺阻攜手江鄉天借便此會知難朽道廢
靜無事碁局日為友偷閑信可娛心境能安否風塵車
馬鬧天地一吠狗世念吾已除不忍忘父母斜陽風浪
高掩袂搔首殷勤感寒盟生死莫相負

三月三日與邊彥時黃清源往燕浦訪黃而直而
直家無酒索奠暮歸泚筆作短歌以示二君 雙韻
燕尾亭前芳草渚燕尾之水青如許佳辰佳會知有所
擬登燕尾亭上語報答春光無酒醋始覺貧居多苦楚

歸來點檢篋中貯中山毛君會稽楮起予懷者惟乃汝
我有短歌聊可叙吾生於世本齟齬此曲無譜人誰與
逆旅天地生也遽今日逆旅之逆旅男兒行止有兩緒
子如有志行勿紆江漢多風路脩阻春雲欲雪鴻飛去
山中桂樹不吾拒紫芝綠蕨春可煮人間萬事視凡楚
盤中一筋兼邾莒青雲白雲各有侶與君後會知何處
灑掃石筵當返仔

彥時子德餘次韻來示余又次之

尋春昨日江之渚行盡芳堤十里許春田水滿迷去所
蒲林但聞禽鳥語燕浦之水綠如醕極目漫、流東楚

青溪集卷之一
十一
風光收拾懷裡貯來向晴窓汗縑楮風塵耐久我與汝
有酒共飲懷共叙欲向新交多齟齬微斯人者吾誰與
吾行綽々不甚遽吾是天涯一羈旅人間榮辱千萬緒
倚伏斯須固不紆丈夫行藏無所阻時可不可來又去
來燕誰招鴈誰拒遇肉可烹蔬可煮泥塗猶可辭仕楚
飲樂何能忘在莒閑雲倦鳥是吾侶歸歟水憑山明處
山友作詩招我吾方作

德餘又次余連次三首

箕之崖兮頽之渚萬古清風巢與許東華軟紅非我所
欲求熱官憂吟語蘭為佩兮椒作醕白雪一曲清更楚

江湖無處魏龍貯天機枉費三年楮樵童牧使相爾汝
漢落孤懷向誰叙乾坤大度容齟齬日月無情不我與
江南草綠春事遠北天雲深鴈呼旅林鴉野雀無意緒
飛噪紛々雜疾紆手折瓊枝美人阻落日重雲愁不去
西鄰有友莫違拒石田共耕茶共煮爭鋒高義鄙敵楚
撫小深仁魯存宮韶華未暮邀我侶擬上海山高絕處
題詩一寄臨風佇

昨夜春夢湘江渚五雲九重深幾許雲屏霧帳真得所
玉欄坐與佳人語飢斯瓊餐渴玉醕衿佩陸離衣鮮楚
粧成欲將金屋貯芳誓綢繆辭滿楮金微倡予歌和汝

錦衾春情盡意叙鸞膠生活不齟齬自期死生長相與
遽然蝶散何太遽還作人間一孤旅臨江白髮雪千緒
落日回風心不紆賴有知音同險阻竹杖苔蹊相訪去
邀非折簡豈麾拒野毛溪鱗時共煮攻愁酒力強過楚
醉後乾坤小於鴛風塵携手喜得侶末路相羊知有處
相迎相送相延佇

干戈七載湖海落白髮蕭々千丈許豺狼橫鷲民共所
手撫青萍心口語消愁無賴一斗醋獨立長歌更悽楚
箋天搜盡滿襟貯寸鐵心腸三尺楮詭梁海賊誰秦汝
教盡網倫以不叙兇謀雖慘誠齟齬鳥獲之徒天豈與

一舉泊天汝何遠大夏重恢惟一旅微臣何用謾愁緒
天步維艱終可紓後來平安在艱阻星入菴頭胡運去
蟾蜍伸臂能久拒窮島遊魂可烹煮三秦自是三戶楚
破燕那無一城宮廊廟何人方召侶淨洗金甌置安處

周宣中興翹首佇

二月廿八夜客星入菴頭菴
頭無光倭退之兆鄭肅言

步登家後小丘將訪友中道而返

病後腰支懶更頑出門春事已闌珊嬖姍勃窣行吟處
窈窕冲融影動聞雀乳鶯啼鶯節換水流山立見身閑
欲尋社里仍忘與采之鶻花滿袖還

暮春與邊德餘後山還德餘說權汝章渡碧瀾

韻藻卷之一
十四
吳體詩因用其韻

風驅洞壑松栢聲落霞照樹枝上明老子行吟更坐睡
幽禽栖集還飛鳴斜雨點空暮山黑遠帆過眼春潮生
安得美酒如江綠倒盡百壺洗不平

荒田行

荒田數頃方借耕矮屋三間更僑居朝炊乞得監河米
暮出又騎東家驢客來拍手笑我貧物皆假人身獨渠
我言萬物皆無主天地元來一遽廬大塊假我以此身
身外何物其真歟衣烏食烏亦聊爾只緣垢累終不除
眼前一笑自一生有無貧富復何如人憂不足我無憂

知我所作較有餘遽然一夕大夢覺向來擾之都是虛
聽來客舌去不合揖我不去還躊躇墻頭忽得濁醪過
醉來欲語還忘余

移居箭倉里珠巖北

江都城外三里也

作客桺難定無營意亦平腰支目靜嬾詩語為貧清農
事親村老林居愜野情家僮頻報暝扶杖看雲生

步出

步出珠巖麓南風笠子斜幽禽驚復近雜草細猶花城
晚浮烟氣川晴受日華歸牛坐看盡吾亦起還家
步綬身無倦心舒景自饒川光明石角雲影度山椒烟

薄粧蘿落林迷隱卷謠吟錦歸去處禽鳥亦寒

大雨經月

東風六月簸江國溟渤倒立傾天閔雷公助勢雨師隨
乾坤盡入蒼茫間神鞭雲駕十二龍矯躩九萬窮躋攀
顛狂揮灑大地隘怒氣勃鬱陰聲頑銀橫玉散遠近迷
眼中生失千尋山共工憤觸不周裂五丁鑿拔天公慳
嫖姚十萬摧臯蘭突劍亂戟慶群蠻銀河倒瀉九天漏
平地大波埋人窠媧皇已遠呼不起手持斑石涓悲潛
長鷗垂翅濕不騫甬微誰憐鷗與鷗西鄰大木不自力
坐受搖舞何疲孱休々屋漏夜未乾擁衾不眠同蛙蛙

庭前漂麥不足惜泉生竈下整潺々書箱盡盡藥裏賦
古棟菌老門苔斑一夜衰髮雪千莖病脚半萎行步艱
瓦衣自庇苦如此哀甬白屋廢與繹吾將長第十爲人
掃盡陰翳開愁顏不歎扁舟載吾道浩然滄海無時還

夜坐次邊德餘韻

荒城當戶晚風長把酒閑吟是我鄉繞屋柳枝秋寂々
備溪燈火夜茫茫

絕句

風落城南木砧鳴舍北村伴鴈雲歸海隨人月到門

家弟子始還何廷安題贈子始諱偉男號藥山

龍溪雜錄卷之一
七月天氣陰客子雨中發搖、孤帆遲杳、滄波瀾回
風歷吾耳仰面看雲物世亂遭漂蕩骨肉、阻絕連床
十日雨語長懷難竭夜聞甬語苦因念甬計拙茅茨不
葺雨石田半蕪沒流離人所同甬獨何瘦蕭思之骨亦
驚一夜生白髮何時風塵清庶得共飢渴

附次韻

子始

客向延安城正與潮俱發維時九月暮木落青天闊
主張感一元收藏者萬物今辭仲海被自此青信絕
有合必有離相持語難竭好大晚無成無如弟謀拙
兄才合世需胡乃自埋沒秋風吹碧蕙滿晚皆萎蕭

弟顏老可憎兄顛霜滿髮賸嫂供一盞庶得澆吾渴

半夜

半夜涼生榻孤吟月入薨梧桐秋一葉河漢露三更世
事如跌坐羈愁蟋蟀鳴誰為先獲者今古只茲情

秋夕掃墓于孤山因入京暫留還江都馬上紀行
篇未成矣歸來足成并示倚佃兄月沙甥

莽、經荒野行、度古陂眼明以水淨頭白板橋危亂
岫愁邊集灑客馬上寄陽川宵作飯銅雀雨吟詩華語
居人怕邊書客子疑蓬蒿村徑改兵火邑居移松栢孤
山暮杯盤再拜逢秋寒江路濶烟晚驛樓歌城草栖鴉

開街塵薊馬馳停鞭逢自出握手更何辭宅相吾家望
 文華乃祖基風塵惟爾瘦江海久吾衰伯氏元多病微
 官豈救飢趨窘悲道屈冠帶怯身羸夜雨連床後雲天
 望鴻時寒憂姜氏被夢惱謝公池世亂身何托年侵意
 易悲飄蓬違夙計浮世足生離已斷功名念難忘骨肉
 私江城秋欲暮落日坐支頤

偶吟

前山後山烟氣幽江都十月涼如秋村家日々催出馬
 小吏大叫荒城隍朝廷是非里巷知塞徼消息行人憂
 龍鍾老夫坐不語注目青天搔白頭

天朝將官陶通判性良管調糧留江華將行索別章

於邊彥時彥時時為督運使時代彥

道路爭稱吾老翁堂々七尺足英華從知清白心如貌
 更服忠勤國忘家披霧正逢風落木攀轅今值雪成花
 相逢何晚相離遽明日千山萬水遮

冬霧二十韻

水國元多瘴今年更霧繁初埋天際岫俄罩眼中藩黯
 黶高低岸微茫遠近村鳥栖迷野樹僧返失山門似霧
 還疑雨無寒更不溫凝然連子午漸欲沒乾坤白晝三
 更黑青山萬里渾潛藏哀顛頊制作憶軒轅青女愁深

音澤和卷之
十一
蟄玄冥默退躄氣蒸青海窟勢逼紫微垣不見寰瀛大
誰知日月尊淋漓元氣濕籠絡萬形吞無復星河影惟
聞鳥獸喧天心高莫測人事近堪援漢史三精塞唐乘
十日昏瘡痍未高枕氛祲尚中原豹隱賢人遯鷲跼壯
士寬濛、妨肺氣漠、斷心魂潤積藏書帙陰侵進酒
樽何當清穢濁穩坐負朝暄

白蓮寺夜讀晦庵書

挑燈手閱晦庵書少讀還休味有餘寂、整襟僧宿盡
二更涼月在庭除

邊德餘連喪二兒繼喪其室慮其感而喪生作此

以慰之

昔我五男女眉目俱清奇家貧食不足一室長怡、中
年天奪二摧慟如割肌吾哀有時忘傷我乃母慈抱屍
不能舍淚盡氣已疲兒亡未去久其母奄相隨母葬土
未乾兩兒終俱萎五喪數年間但覺生苦遲形骸一蝸
甲精爽都已離依稀夢非夢一窓神昏時平生舉案姿
婉孌前敷辭曰我始無子得之又失之無實我之初在
我何損虧胡為悲抵死噬臍吾難追使我辛且勤使我
而至斯兒皆使之慈我憐其在茲以死為可悲於讎我
何思以死為可樂哭死無乃癡子實未知死死固無等

夷無愛憎憂喜寒熱與飽飢休、入太虛壽夭同一坡
我幸先子歸同歸終可期况今干戈際平野積人死生
免禍羅嬰死無臭聲遺全歸父母體如我者其誰我死
我自多生者枉歎噫哀死骨及淪吾為後死悲一之我
為甚何必踵我為區、室家念不足夜男兒覺來言在
耳心境稍熙、伊我昔年痛德餘今又罹窮冬逢德餘
面垢和淚淚死生君所知情鍾在結襦同病即同藥接
筆題吾詩吾詩君勿擲折臂為良醫德餘常作死生說
類兩率齊物篇
與善餘步出丹丘以下已亥
在瑞山
睡眼朦朧午未醒清風引我看寒汀飛過野鶴聲如色

倒立崖松影勝形喚酒來時苔逕遠披林歸處竹筇聲
後今夢斷紅塵路擬卜溪邊作小亭

園中四詠

埋沒枝柯蔓草纏綠愁翻得老夫憐呼僮理罷逢佳雨
綠葉丹英滿意鮮 右山棠

梨棗陰中強自持心期只許歲寒知借問今年厄幾寸
憐渠頗似我名遲今年
是閏 右黃楊

堪笑東風不主張萬枝憔悴數枝芳浮花浪蕩終何羨
死後分明地亦香 右病梅

昔年曾見萬竿蒼一別傷心滿目荒誰識龍根蟠地底

會者秋後拂雲長

右枯竹

偶吟

時清癡有味心靜白無塵
客為休官散僧因採藥親
看書消白日持酒答青春
閑適吾何習如今忽到身

示善餘

四月初四

莫道東君去清和景物稠
閑年春較晚逢日雨初收
花雜千重樹溪添數尺流
芳時寧久絆一醉我當休
榼小纔容席窓幽更接園
松聲侵夢爽花氣襲衣暄
細雨妨尋友清風可近尊
竹溪行不遠清興儻同論

花風問答

花問風我於汝何與正是我好時汝來自何處作惡太
顛狂捲盡紅紫去三分委泥沙一半空中舉傷心佩酒
客索莫尋芳女坐令風流場對我愁無語豈獨作我讎
古今同罪汝

風答花我非妬爾色自爾未發時我實為爾德殷勸二
十四不負青春約沾潤雖雨師發揚惟我力芳菲倘長
存結子將何託適會汝衰時我豈催汝落盛衰同物理
罪我無乃錯

出仙洞寄仙居

偶隨流水入天台贏得芙蓉一笑開
劉阮俗緣消不去

自慙容易出山來

鷺

萬木陰中忽開眼風流標格何偏饒南枝北枝去來逸
一聲兩聲長短嬌青旗翠幕酒茶肆紅杏綠楊烟雨橋
此間三月儻無甬九十春光還寂寞

衝霧發楊根迷原向立石津

以下庚子京
能敬差時

聞說西湖比西子此間嬌態更相同羞將面目當遊客
碧水丹崖宿霧中

下舟福長浦向超然臺

客行值秋晚天寒溪壑陰捨艇還騎馬尋郊稍出林石

苔山運滑霜葉洞門深未到高臺下先瞻萬丈岑

加平茅亭八景次辟上韻

朝從山出暮騰空一片西飛一片東聚散吹噓誰主是
白衣蒼狗自無窮

右花岳雲容

靄之霏之清更妍近如輕霧遠如烟初惹朝暉微作態

右扭山嵐態

晚隨斜雨又連天

冰月山風驟不停萬回千折赴滄溟夜和松響蒼崖外

右大川鳴灘

好入遊人醉後聽

傍溪官路一條脩樹老枝疎影未稠幾多陰得東西客
閱盡興亡不管愁

右長堤古柳

秋事初成近第塲村中父老報豐稔十里黃雲平若掌
脫風時送萬疇香

右平郊嘉禾

軒堂頽盡砌垣傾新構三間眼忽明誰作小池栽箇箇

爭稱太守之風情

右小池紅蓮

赤氣繞騰萬丈屏辟丹巖白復松青清軒懸起賓初出

已過窓櫺又滿庭

右寶羅朝暉

東畔清溪西畔湖峭臺層辟勢還孤盡輸十里壺中貯

眼底千形不敢通

右超然暮景

次湖雙韻

丈人屋亦好携酒日來看愛子吾非俗客吾子亦寬時

寄文字句之露心肝敢憚相尋處青泥沒杖端

庚日浮碧樓妓唱牧隱詩仍次其韻

以下辛丑在箕城幕府時

舟子指萋草此壑曾有樓登臨三伏日兵火九經秋烟

月空陳跡江山幾勝遊遺吟驚萬古牧老亦風流

與使相乘樓船下草里小舟載角前行

桂棹搖之出浦來海門風定水如苔不見前舟歸去處

角聲遙過鳳凰臺

贈洪德公

出坐偶出門路歧幽更窄危之荆棘中夜行苦不息衣

裳半沾濡自顧多耻辱風塵夢一覺齒髮已衰落行旅

龍溪和卷之一
二二三
雙履在柶息一枝是尚有憂世心太息從痛哭軒之鹿
門公何處來得相逢遽相離一喜又一感欲道平生
事把筆還驚骨

題屏畫

山花蘊背春尊酒舟中雨借問橋頭人携琴向何處

送接伴使韓吏判寅還京

十月霜風吹斷肌駟騎催發返京師天寒草木無顏色
折贈松枝當柳枝

有僧請詩次軸中韻仍道已意

龍溪一曲我家山脩竹長松雪色斑憶山未遂歸山計

每見山人却厚顏

使相惠柑五箇以詩謝之

分明昨夜夢滄浪幕府封來三顆黃霜露寒姿雙手凍
海山風亦兩牙香秋光經歲方騰價午懸酣春景擅場
羅帕分珍雲漢備何人林下愧先嘗

清江樓

以下朱之蕃天使時
製述官次登華集韻

煌、彩節駐江樓之上風烟愜勝遊要取詩章酬淨債
古來登賞名流長天秋水工相映曲檻危簷木自浮
物色千秋題不盡莫言先輩少分留

平壤行

龍溪雜錄卷之一 二十四
綾羅西面錦繡脊粉堞中間布綺陌往事流傳知幾年
古跡蒼茫感茲夕父師初從中夏來雄都肇向江頭開
八條一施化時雨三韓千里無纖埃垂衣端拱坐深殿
拯溺不煩動手援遺風已遠井田荒一域千秋經百載
不分疆土入風塵驚波洶湧無恬鱗騎麟朝天已漢祀
閉城斬使徒殺身邇來民物稍安集二百年來無警急
境聞鷄犬戶逾萬家生忠信室則十恬恬日夕忘忽生
海寇窺覷奇蒙成三都宮殿盡成灰四郊草木均被兵
投戈曳甲棄委積軍吏奔波草間避桓、李將受 帝
命履險摧鋒視平地赫然一掃腥膻場大捷箕箒收漢

陽先登賈勇爭死綏城畔白骨還堪傷使星今來鳳凰
族海邦爭看一路福觀風問古更何事健筆能令神鬼
哭

松濤此以下次天使韻

何處狂濤杳靄間高掀地軸動天闕時因風勢遙還近
乍雜溪流汨更潺只道來田曾變海休言洪水便懷山
金波夜射龍形立應向幽居問大還
天機自動翠微間海若江神本不關羅月靜時涼瑟
洞雲深處細潺、楚人夜夢驚巫峽長客朝聞憶香山
欽和滄浪漁父曲烟波不見釣船還

依倚客夢亂濤間，覺後涼陰滿石闌。氣襲夜林松酒，
聲分秋瀨共潺湲。維摩去後波生對，徐市歸時海拍山。
雲外碧天連縹緲，漢槎應自此中還。

美人手

天然百媚總宜人，愁便支頤笑掩唇。春襯柔荑華柳嫩，
香生纖玉採蓮新。顰鉤珠箔暹高下，輕撥琵琶恨不伸。
打起鶯兒花外立，雲夫羅袖亦精神。

鴻鴈

影落瀟湘江水深，每逢秋社背玄禽。胡山書報蘇卿信，
楚戶聲分杜宇砧。沙月蘆花眠幾處，野霜楓葉過千林。

回文機上偏先聽，挑盡殘燈碎寸心。

追次月以贈別韻

租逵逢暮雨，王事有嚴程。身老傷離別，途窮媿姓名。亂
雲愁處起，華髮路中生。世慮吾能遣，難堪此日情。

次卷中韻贈信洞上人

吾師身世正飄飄，說到湖山思沈寥。殘衲幾磨千疊石，
短筇曾渡萬溪橋。飛盧聳出東皇近，智異雄盤南斗遙。
自是肯襟截七澤，向人何用索瓊瑤。

過分水嶺

以下壬寅年以書狀官赴京時正使秋浦黃慎也

驟背風光所見高，一鞭千里意滄茫。花開草長乾元大

龍溪和卷之一
二十六
水注山蟠造物豪和夢過橋真有味覓詩登嶺却忘勞
人間苦樂乘除熟此路蓬頭不用搔

黃土崗途中

萬里青陽暮千山白髮翁遠遊誠夙願行役歎衰躬
後詩無味愁時酒有功客懷時冷落鄉夢曉朦朧地號
傳來異村居到處同厨烟花影畔人語水聲中烽火臺
陞古丹青廟宇空寒寒春較晚郊濶夕多風高嶺兒拳
巖連山女手葱聊烏供一笑忘却道途窮

遼東紀行

西行六日到遼城七館連綿四百程松鶻正當人面起

鳳凰偏傍馬頭橫盤回八渡元同沁屈曲三流各異名
此地關王知幾廟何年都督尚留塋山稱狼子驚人膽
村號高麗感客情長路迢々今未半萬重烟霧隔皇京

沙河鋪偶吟

住馬沙河路楊花滿客巾東風酒旗畔時見艷粧人

鞍山訪安福寺

客懷苦難寫聊復訪山扉松老庭陰重天長海色微
朋僧榻淨心豁佛堂巍愛此未能住出門塵滿衣

牛家庄偶詠

街頭簫鼓動晴雷相喚佳姬出戶來急整花冠投鏡起

向人無語背人吟

三义河路上

墻隈蠻夷界河從杳靄間野空唯有水天盡更無山目
極臺城小人疲道路慳時見商旅牧馬草中還

山海關主人翁趙鶚示以我國人前後所贈詩篇
因求余詩酒半次李東岳韻贈之

半生書劍共襟期一見相親便不疑忘我異方來作客
愛君高義合為師青旗綠柳茶香處細雨朱簾燕乳時
傾蓋暫時還解搯別來應倍夢中思

山海關

鎖鑰知誰創城池更幾年雄同秦百二險比蜀三千水
接扶桑國山分靺鞨天異觀驚客眼斜日暫停鞭

觀海樓一稱望海亭

天拆東南萬里通倚樓人語墮晴空簷臨幽窟蛟龍怕
石闔驚濤霹靂雄山帶古城飛鳥外水漫遺島斷霞中
防胡訪藥俱寥寂都入遊人一嘯風

秦皇島次負外苗汝霖韻

海色蒼茫小島孤居人指點望疑無求仙迹遠雲千載
問古人來酒一壺高堞繞成兵已起童男不返骨先枯
驪山有鬼今應泣膝下誰知伏一胡

清風臺

天地中間萬古風首陽高節孰形容何當挹取臺前水
洗盡人寰俗子骨

孤竹君廟

逃親遜國世稱仁誰解逃親是孝親中子舊邦君莫問
祇今香火賴何人

歎花行在七家嶺作

雪花飛時辭漢京龍灣又值梨花落路入遼陽春已去
馬頭楊柳花如雪盧龍佳節迫端陽獨有榴花開向客
行鞭隨處綠陰多北京定見蓮花發一年花事路上盡

留得黃花待歸國霜華滿髮眼昏花美人如花天一醉
莫如買得堆花酒手提花甕滿眼酌醉來酩酊卧頽然
花落花開都不覺

去冬嘗得夢遊通津地臨江登望口占一聯曰
山勢來從薊江流去向齊覺而識之以為薊與齊
乃中國之地非我國通津所瞻眺心甚恠之余時
忝在諫院朝起見分發則謝恩使書狀官詮言因
上教擇差三度改擬竟不用其望特命以時任臺
待差送余意恐不免過教日竟差余遣之是日行
到通州寓于河上姓戴之店問其河則河水下于

海而達于揚子江海邊乃登州萊州而即古之齊地也河之東邊群山遠峙望之兼兼前門即其東也忽然思之前之山從前江向齊之句非通津正謂通州也事雖微些亦皆前定即是成一首暮投郡城外村迺高低山勢來從前江流去向齊烟生茶店關日落賈船迷何處是言關五雲飛鳥西

玉河館

天街咫尺鎖門居萬里觀周計已疎獨與鴉奴分小館自慚曾讀古人書館之西偏獲虜所留情、支頤瘦影孤坐着雲物被風驅雲向天涯行萬里

不知東到故園無

久客無聊得唐人古今笑本以遣寒寂即放其中

園房艷曲四絕句其二首惜花二首愛月

多情挽得最繁枝露濕輕衫不自知為護林間來去蝶却將羅扇打蛛絲

春來何晚去何催過眼芳菲夢一回早識東君情太薄不如當日不曾開

右惜花

為看新月夜登樓手捲珠簾掛玉鉤拜後悄然人不見寶釵斜影曲欄頭

夜、高樓慣送迎纔臨東閣又正楹十分清影三更半

蘇戶紅窓幾處明

右雲月

途中

暮年行色易生酸
白盡鬢鬢道路間
愁思惹雲迷塞樹
夢魂和月度遠山
春將紅紫先辭客
風帶塵沙又滿顏
後事何時歸故國
竹林牢卧一生閑

出皇城到三忠祠寺

五旬孤館髮全華
纔出城門似到家
十里西風江上寺
晚蟬吟處柳絲斜

留通州

通城滯雨暗消魂
坐聽霖鈴不掩門
江渚浪高知幾尺

夜深人語在前村

到撫寧縣遇 聖節使書狀官

昨夜分明夢故園
忽成佳會驛亭昏
東來消息君能報
北去風光我試言
金水曉鐘開九闕
玉河秋草鎖重門
館中更有吾邦客
應把鄉懷細論時謝恩使鄭賜湖
夢與國在玉河館

次 聖節使成質夫以韻

燕山滯雨未能回
青眼聊從客裡開
異地光陰秋已半
故園消息鴈初來
今朝不可無詩句
此席端宜有酒杯
千里班荆真一夢
滿天離思浩難裁
故園烟樹首頻回
客抱今朝得暫開
萬里征衽雲北去

音海卷之十一
三十一
一鞭歸路水東來君看燕薊中秋月我及龍灣九日杯
欲寫離亭無限意異方風景不堪裁

寄尹定卿

尹安國時為木谷書
狀官方在玉河館

別後藍田初見月旅愁離恨兩茫然薊門略滑秋多雨
蠻館庭深夜以年知子已嘗觀樂味羨吾先著返鄉鞭
天高北極寒應早須趁遼河落葉前

滯撫寧逢千秋行贈申書狀

別山清夜撫寧晨三把情盃未二旬班荆萬里皆親舊
京洛如今有幾人

次申書狀效吳體韻

萬里淹留二百日送春送夏今逢秋白頭異地幾歸夢
青眼暫時還別愁斜陽一把故人酒明月相思何處樓
知君此去倍情、門掩玉河河水流

萬柳庄

萬柳森、五里齊盧龍一面小村迷行尋細草陰、遲
渡盡晴沙淺、溪枯木斷橋秋遠近曲池危閣日高低
西遊處、多佳勝終憶吾鄉水竹桺

山海關趙鶚又索別章次前韻以贈

風塵末路孰鍾期咫尺人間有九疑地限東西雖異俗
口談鄒魯是同師軒窓尚記曾來處情意還深再遇時

青眼白頭今夕會月明何處最相思

山海關行并序

余之赴京也道路店舍中屢逢儒士未見有愛才喜文者於山海關得見趙雲野多聚我國詩章示之又稱道李東平按不容口因索余拙句余次東平韻以贈及其還也又求余一路所咏余示以若干篇趙君見之獎許拙章甚過其實一日謂余曰貴國人有趙斐仲者赴京過此有山海關絕句一首吾恨其詩語不長今子之詩雄渾發越古今所罕必長於長篇大作吾欲得

之以永其傳蓋以山海關為題為我一揮余辭之不獲信筆書與雲野趙鴉號也

角山山勢天上寒橫截北地高崢嶸南臨溟渤無條赤洋萬里波濤平古城連綿自何處跨山壓海相紆縈中間一閑鎖鑰雄西擁薊門東遠城遠城之路直如矢逶迤一條走皇京小堡星羅大鎮峙犬牙盤錯皆天成高之下、壯重險磅礴山河元氣橫龍王廟新表神靈望夫臺古旌孤貞千秋訪藥小島餘祖龍一去空留名堂、徐君章昧臣附翼當日勤經營臨燕效覲天下吮設險方畧何其宏增修更有王氏子傑起樓櫓無庠費

深規偉制自 睿美運巧奉成誠群英朝暉照時夕陽
後日再開闔嚴其程旗竿集木聲動士民蟻聚無停
行闕門畫寂闕令嚴出入肅誰喧爭暴客傍觀未能
窺衛護肅州安黎氓邊庭不復胡馬嘶齊客敢效秦鷄
鳴迺來太平二百年海波風靜陰山晴危譙高標動冲
帶大街車馬聞轟梨花雨濕酒旗影楊柳風傳絃管
聲東來有客駐漢槎十分壯觀神魂驚翻思固國不在
險長城未救嬴秦傾吾知 皇家萬年業不由闕門由
聖明

宿山海關羅城

旅館生秋涼故園千萬里城頭擊柝聲客子五更起

華表柱

令威去人間千年此來住鶴去又千年客子來訪古天
空鶴無迹石老秋草暮人民仙鶴同一逝得來千年雅
一柱仙曾為民有悲吟我今為仙歌短句仙耶民耶吾
不知不如眼前酒一在仙子倘能今尚在請君共把遠
陽酒醺醉卧古柱下與我且說仙凡否

次秋浦韻

相別忽今夕相隨幾一年行巖吾老矣榮辱子怡然鞍
馬晨星散歸途暮雨連臨歧聊忍淚身世兩堪憐

韻藻香卷之一
三十一
偶詠

以下壬寅冬月
北京還在瑞山

歲暮衡門垂二毛塵間名利付兒曹病餘得句精神活
閑裡逢人禮教勞欹枕倦看西漢史傍籬新種北京栳
開窓忽見鷹飛處鷗鷺無聲鳥雀號余自北京得
栳來種

太守來訪丹丘以詩謝之

一片丹丘天作臺臺前流水碧於苔招呼烟月杯中落
驅使風光筆下來酒盡千鍾知子量文非八斗愧吾才
坐令松桂生顏色多謝高軒枉草萊

在法程倉即景

以下癸卯湖
南幕府時

海門潮落露平洲處處汀沙習小舟江雨欲來風滿閣

短屏遮坐獨梳頭

青山缺處海天長步出城隅看夕陽風送暮潮洲渚沒
魚梁却在水中央

乘舟中流回顧滄浪亭次權汝章絕句韻

羅州林
惇家也

一邊江水一邊山巖石數層家數間斜陽返棹却回首
松竹陰中人掩關

暫時登眺夕陽殘仙境渾如夢裡看準擬更尋巖下路
夜隨明月宿江干

光州地風詠亭次韻

擾々勞々何日休暫登高閣寫閑愁醉中快意風生檻

客裡奇觀雨滿洲泉石不隨前輩去物華亦為老夫留
詩成還愧江神笑未脫塵冠髮已秋
主人當日此歸休人去亭空物色愁兵火不能侵棟宇
世氛那得到滄洲詠歸已遠風猶在登眺聊因雨少留
霽後輕陰隨爽氣滿簷松籟作涼秋

乘船十月以點
馬入海島

乘船捨平蕪掛席凌虛無海若受約束祝融為前驅天
晴風力慢水色綾羅鋪龍驤穩如閣棹謳歡相呼島嶼
紛四圍環若一平湖初行若無路到處皆通衢船舷累
回波怪石爭縈紆波濤所盪磨刻畫露稜觚逶迤出曠

漠轉覺所見殊極目但積水何處是寰區時看遠帆過
點々天際孤長歌倚半酣浩蕩還忘吾乘桴尼父意千
載激壯夫

羅州新館次使相柳川韻示主人牧伯南伏龍

山容野色散還收倦鳥奔雲去復留殘角歇時聞急厲
斷城低處見平流一杯談笑風流客百里耕桑愷悌侯
點檢廢興成感慨古今多以此來遊

與吳傷御史趙守初性存同遊邊山

騶轡下林麓清風袖裡長名區逢素友佳節又青陽展
席晴沙白管流石壁蒼山中有僧舍竹色不須忙

月出山龍巖寺用山僧卷中韻

渡盡溪流與石峯竹與纜下又携筇步上僧堂心力倦
却呼山釋試鳴鍾

龍灣贈別呂朴兩友還京

以下山記奉使開甲時

時清多雋夢樗散日枯槁健才且彷徨况復吾潦倒京
華少故人天末逢青眼逢如萍水合別如晨星散関山
歲云暮落日飢鴻咽蕭蕭征馬鳴落行人發平生文
夫淚欲灑還少制臨行寄平安歸報甥與弟指藥山月改

擬和錦字回文

塵淨夜床銀燭明伴人無寐坐殘更春江一雨花飄樹

暮成孤烟柳拂城新恨謾看暹出月斷腸空聽亂啼鶯
身隨獨影寒寒寂短夢香闌繡枕驚

以酒解醒有懷洛中兄弟

壺隱貧到骨藥山病而癯病且廢藥餌貧猶愛酒酷謀
釀輒相就甕乾時沽我本酒戶小形容又凋枯欲罷
諒不能對酌同怡愉連床醉兀兀大叫歌鳴豈獨畏
朝罵或恐傷其軀醒來每相戒得酒復相呼自從別離
來飲即思友于重雲萬千里隻影江頭孤主人置美酒
慙慙慰病夫連延數日醉庸賤不敢逋宿醒忽焉作晨
卧日至脯非痛亦非痒呻吟久未蘇肢倦昧收斂頭眩

龍溪集卷之一 三十七
難步趨虛勝甚思食對案終莫舖珍羞滿眼前視之如
泥塗佳姬問所安僮僕捧藥鑪扶持忽前後奔走徒勤
劬詩稱柯伐柯此語聞酒徒且置藥山藥催進壺隱壺
一杯氣迂迤二杯腸鬱紆三杯滋肺腑四杯舒體膚五
杯忽和暢容色方敷腴向來不平氣豈敢相枝梧俄忽
又成醉預作明朝虞朝、解復醉一醉無時無醉來便
陶、萬事歸胡盧羈愁與世慮苦雪投洪爐浮生聊爾
耳此外曾何須當其醒正苦豈念酒中娛酣來至樂在
辛苦真須更醉誠苦樂并醒亦利害俱陳遵與張竦誰
勝誰為輸我將新其訟欲語還囁嚅何時風雨夜細評

分鑑錄

暮春既望觀魚于鴨江夜還有作

身靜是閑人地僻疑村廬當窓有疎籬滿壁惟古書吾
既不干人客誰來訪余清風入戶來午夢驚遽、起來
一欠伸徘徊下庭際聞道春江好約伴來觀魚跨馬出
城門春物連闔閭地主為相隨客懷期一據船頭坐紅
粉百丈牽徐、崖石懸脫花渚沙抽新蘆風慢見穀紋
船淨無衣袂輕舟忽先導飄忽行且漁携义五六人張
網臨深渚驅魚遠復近占地卷還舒我亦倚船立停撓
乍矚曙澄流無點埃直覩馮夷居俄看一隊魚出沒何

疾紆猶人迹，逸畏網來趨。起盤回勢，蒼黃鬣終括。
据狂奔，陷項羽，脫漏逃。申胥抽身避禍，獨駢首就戮。諸
橫如梭在機側，似壺掛車驚鱗閃。逐鏡怒尾，搖風旗提
綱爭，喚誘引手相牽掣。摘巧莫共放，數計不踈船中
亂投。櫛借以勺水，儲江河失悠。洋濡沫徒，吻嗟松江豈
檀羨丙沱。君休譽長腸與巨口，箇俱尺餘。滿船齊拍
手，咸稱樂只且。賓主各解頰，旨酒臨江醪。丁寧付饗人
約束，具醪溢湯羹香已絕。膾細絲不如銀，錯玉脂泣象
箸金盤。虛推排逸，以及肯顧。周顛蕪茲遊，真勝觀狂興。
誰能沮清歌，發絳唇妙舞。飄輕裾，江空夕陽後。月上黃

昏初千杯拂袖起，下舟還乘興。醉時問我知誰
喚

典府伯及 御史池舟

風馳羅衽鏡裡來，彩船歌鼓動春雷。憑凌鴨綠江千尺，
倒盡鴉黃酒百杯。大笑高談俱醉興，淡雲斜日總詩材。
名區此會知無限，賢主佳賓問幾回。

典府伯携妓尋義州之天磨山山路綠溪水石塘
下馬下馬共憇

下馬坐白石，溪流隨處清。林深先夜暗，楓病未秋明。
翠山增色琴歌水，亂聲傾壺一酌罷。聯轡更徐行。

送洪思古遊賀陽至朝京公遠東萊未及還差此行

男兒不是井中蛙
白看何須苦守家
人未放歸南極
天教催上北溟
棹前門行李
衝冬雪魏闕
衣冠拜曉霞
會見曾懷寬
一倍路歧尊酒莫宜嗟

海月亭次韻黃斯文汝一會元作亭于白岩山蘇臨東海以名之平海池也

流雲脫壞似崩潮
玉闕軒然上沈寥
松露竹風香細
簾光簾影愛迢迢
鯨波萬里呈鰲
岫鶴背三更下鳳簫
此去廣寒知不遠
欲將藜杖作銀橋

龍溪遺稿卷之一

龍溪遺稿卷之二

贈忠州牧伯禹猷見吉以下丙午年奉使金山時

青眼三逢道路邊
浮生萍合各依愁
長年作客吾今老
到處蘇殘子獨賔
寒雪古城衣袖薄
凍雲危嶺馬蹄穿
男兒心事空頭白
撫劍中宵看斗躔

寄東萊府伯尹次野暗

襄遜末路苦踟躕
歲暮天涯又客居
孤夢幾驚殘戍角
靜懷聊對晦菴書
風生島嶼聞朝浪
火照城樓見夜漁
邂逅此時真幸耳
故人音問莫相疎

沒雲臺

盤回多大浦，縹緲沒雲臺。清濁何年判，東南萬古開。孤
巖浮水出，遙帆自天來。詩語猶難到，臨風愧不才。

次府伯詠碁韻

指下斯須判，死生曾中截。得幾多兵，潛鋒投隙。心機密
遠，鬪誇強氣勢。橫戈路陰陵，師忽潰。乘時長會業，還成
世間鉅細。元同理從此，三軍我可行。

次府伯戲贈頌

局東長吟行路難，青衫烏帽意方闌。况為遠客那堪苦，
幸遇親交強作歡。衰髮豈宜雲髮托，朽腸還愧酒杯寬。
盤跚勃窣皆徒爾，任使傍人笑點青。

長鯨行并序

鯨是海中之巨魚，海畔居人亦所罕見。余再遊
海雲臺，再見是物，真壯觀也。幸而志之。

南維東畔大地窮，老巖崔嵬滄溟空。斜陽極目久行立，
有物來自蒼茫中。非龜非鼉亦非蛟，鱗耶角耶鬣耶駸。
崑然陀然名曰鯨，舉腦搖背摩層宮。初疑巨靈戴山來，
斷峰側壁高穹窿。更訝層瓦翠鱗，水中浮出龍王宮。
恍如黃龍避大禹，低尾局束歸沖融。仰如大鵬上扶搖，
陵轍九萬搏無窮。翻沉沒似游泗水，蕩漾如船蓬
悠悠而逝若長往。欲然而復還，無終縱橫作戲意。自得

瞻之南北俄西東魚鯨奔走蛟鱉避電掣水族紛忽
有時奮迅出氣力鼓舞萬里生長風狂噴猛擊湧澎湃
白日驟雨天溟濛霞光暉影共吞吐遠島近岸相磨礱
斯頃一去杳何許但見雲物涵青銅南遊此觀今至吾
十分異狀驚雙瞳吾知天公鋪張偉物作勝事慰此暮
途龍鍾翁又知神物陰窺此老嘉硯肯欲與頡頑爭其
雄平生所向遭白眼海山獨不負乃公欲將文字誇耳
目造物恐忌言辭工不如騎鶴追謫仙俯視塵埃游太
冲

復次府伯遣懷韻

浮生元過客世事儘嬰兒汨沒憐黃馘支離笑白癡
霞違宿約蘭蕙結幽思懶拙真多味還慚負盛時
異地逢新歲霜毛愧雪兒深藏疑鬢縮凍卧似蠅癩細
酌無豪氣孤吟少藻思瓊琚能起我披讀坐移時

次府伯韻

雨餘涼月入疎簾一夜霜髯斗覺添作客長年供老病
歸田何日事鋤鑿京華消息頻眉欵異地風光幾口占
羨子歸鞭先我著不堪梅柳歲將淹

遊通度寺

在梁山傳言法堂後舊有龍池填土埋如來腦骨云

相携深入窮源落日涼風滿石門龍去骨巖何歲月

谷田山轉別乾坤
鍾殘高閣窓猶啟
鳧起寒潭水有痕
溪畔老巖行更好
坐來隨處却成溫

次李士和咏梅韻

士和新府伯字也

東君消息有先聲
起訪斜枝數點明
冷淡十分無俗態
色香雙絕愜高情
湖山愛伴林逋鶴
品與還嫌傳說愛
可惜靈均真肉眼
獨將蘭蕙入騷經

炎方多瘴氣
天遣有寒梅
臘雪元相約
春花豈敢猜
蠲除塵累去
幻引好詩來
坐待黃昏月
清樽為一催

次府伯韻

灰心嘿坐習忘機
窮鬼隨身不我違
京國香書占夜夢

異鄉時序到春衣
侵凌腸腑愁為敵
消削肌膚病作威
忽見月中驚樹鵲
繞枝三匝欲何依

贈別通信正使呂

吉

尚夫六十韻

日本君今往須知日本風
扶桑坤軸表沆瀣水經中
誰遣魚龍窟滋成大豕兼
姬朝曾建國嬴世更添
董關白權專制天皇位
獨崇城池京國壯民物
與州隆僧獨知文字人
惟尚武戎土宜黃橘
羨山斷白金豐喜殺誰干
紀輕生易樹功干戈何代始
舟楫古來通偃蹇忘前好
誇張挾世雄孤俘聊騁詐
孔雀豈輸忠痛矣忘先備
仍之有內証彼拳方欲奮
吾耳衰如充捲土陵中夏
滔天

音澤和卷之二
四
稔有竄衣冠紛雨散車駕悵塵蒙妖祲纏抔土凶炎及
闕宮帝心哀播越赫怒發羆熊王土雖能復離天久與
同鞭答知有術微賤故無聰驕孽頻窺覘皇威願始終
師徒猶翫惕黎庶尚疲瘡干羽何勞舞頑苗遠即工夷
頭初稽北賊檻又從東革面誠難測色荒量亦洪羈縻
從古昔皮幣在牢籠巷議嫌忘辱廷謀欲示控伊人膺
使价惟簡契淵冲錯節今方試寒銜早已鑿龍門曾羅
鯉烏府舊乘聰黑綬鸞栖棘青蒲鳳跼桐行箴安素履
夷險只丹衷倉卒今銜命艱危豈愛躬張帆蔽海若戒
道叱豐隆波靜無氛翳天晴散霧凜仙槎逼星漢使節

拂瀛蓬諭德宜思陸貪功不取馮威風聞鄭老文望憶
申翁義動秋霜烈是宣凍雪融及時王事竣餘暇壯遊
窮徐市遺蹤古楊妃道字空詢咨親驛吏動靜倚家僮
有死知無賈思家敢忘公望雲魂斷續陟岵海溟濛鄉
信無秋鴈閨情想草蟲旅懷時冷落歸夢夜矇矓紀迹
應成軸題詩更有筒歸來傳萬口收取鞅重瞳久廁清
班鷺同沾濯鴻桂林聯步武蘭契托幘幪自分潘生
拙誰容許吏讐離家身已苦對虜事堪恫旅館頭添白
賓筵面發紅征裾分此夕離思薄層宮憤氣高衝斗噫
聲共吐虹人生豈乾繫男子有乘弓慷慨心如鐵憑陵

音溪卷之二
水似銅鑪行惟遠志防濕是山窮島嶼風吹慢滄浪月
照蓬殷勤一杯酒臨別意忽々

送丁從事

萬里孤舟客三韓一節臣從來無上策專對有斯人日
出扶桑曉花明馬島春平生忠信字看取子張紳

次李士和演雅韻

壯志凋零負大鵬掩門書抱字如蠅屠龍枉費才何用
鍛鶴深箴意欲騰駕銳固宜甘霧隱蟻誠惟願見河澄
從今與子為扁鵲鶴路曾同九折肱

錦江閨女郎夜歌蓋天順年金吾之作也俚語難

傳用其意作短詞

千里遠遠路美人別離秋此心無所著下馬臨川流川
流亦如我嗚咽去不休

漢川泛波亭次韻

以下丁未年
關東幕府時

新構危亭斷翠林碧山為帶水成襟波光夜射明瑤棟
嵐氣朝蒸潤玉琴魚躍鳥飛知物性雨還雲度見天心
平生滿腹江湖趣細酌閑吟不自禁
雲送輕陰過遠林獨憑書卷散幽襟雨添遙浪吞青嶺
風轉高堂響綠琴午睡來尋如有信晴鷗飛近是知心
無端惹起龍溪興投絃歸田恐未禁

五更微雨洗平林爽氣朝來忽滿襟江霧分
和東閣夢石湍清雜武城琴溪山留客還多事
風月隨人也有心剡與使君分此樂蘇仙解道取無禁

秋月軒八景為姜使相義作

細雨橋頭青草灣小牛馴擾大牛頑箇中黃犢偏橫逸
不借奚童半日閑

右黃橋牧牛

野外和風破曉寒蒲芽新長杏初殘東鄰乞犢西鄰耒
頃及春田雨未乾

右南陽勸耕

雙蓋童、六月寒行人不過久盤桓地偏幸免秦封辱
贏得閑中自在看

右硃嶺雙松

海風山雨去還留不是商船即釣舟却帶斷雲歸別浦
又隨斜日落芳洲

右岐浦片帆

雲間一點照天明過嶺踰河達禁城丁寧願得平安報
莫取邊聲聳萬生

右西林夕烽

誰遣朝烟鎖石關為嫌清界近人間濛、但解蔽林木
却放鍾聲下碧山

右石寺朝烟

罩盡山容景轉饒淡光濃色近還遙朝暎乍上風吹捲
偏著叢林久不消

右魚城宿霧

橫風驅雨滿山椒濕盡樵蘇麥又漂殘照斷蛟方變化
岸巾清坐正寒、

右聖山驟雨

音溪和卷之二
七
贈圓通僧義深

正陽天德與圓通古寺寂寥無人迹蒼苔紅葉一老僧
獨啓石門看遠客

到摩訶行贈曇裕上人

邇來嶠嶺水崖谷多崩潰石出境還奇路絕山更邃清
界宜深巖世人元多累山靈初假手雨師知有意遊人
日漸稀勇往行步疲瘞僧因扶持見容回相忌狡者謂
無路攀緣力難至頑者指曲逕中道多顛躓我來無前
行錯莫但周視裕師老且醇備嘗山中事臨歧陳險易
引我任行止十王窈窕壑萬瀑清爽地亭普德柱落

正陽寺白園衆香壯蒼蒼立毗盧異峯兀望來豁鐵索
攀可憐龍淵深幾處鶴巢危欲墜行轉奇秀曲披
清闕入眼足所歷一師所指師既遇我勸我敢忘師
義將離乞我詩持與二百字

清虛堂次首尾韻通川也

老夫非是好吟詩詩是老夫遊賞時拔地連天山不盡
舍秋吐日海無涯烟雲滿目描難似風月盈襟意自知
把酒登臨何所事老夫非是好吟詩

四仙亭次韻

蓬瀛雲物遠相通玉洞瓊巖水似銅萬古香碑丹字畔

四仙清濁碧霞中酒日爽氣渾無醉詩到名區自不工
坐久風生涼滿袖恍疑身在廣寒宮

發高城路上

南江津上喚舟渡東海浪頭催馬歇碧水鳴沙處、在
軒鷗小艇時、過佛鍾懸處石為屋仙馭歸時湖自波
竟日行、不覺遠眼中應接何其多

十年之前倚曲兄以齋郎奉先王影幘于五臺
山今靈鑑即其所也月精僧自禪道薰即其伴也
余適來訪薰師以佔畢贈僧之作示余用其韻目

贈薰師

湖外音書苦不聞鴛原千里久維群幸逢舊伴談清夜
還訪遺樞入白雲溪壑有情留勝槩梨花無語落紛紜
山人能說吾康樂瘦骨疎容略似君時舍兄在朔西

向月精寺道上作

驛路穿朝靄山門及暮鍾啼鶯何宛轉鳴鴈不從容樹
合深巖壑巖傾削掛松勞筋供耳目客與老為濃

熙川東軒次韻

以下已酉年暗行 薛史時

國之西塞塞之東維嶺維關二界中翠靄籠山濃似畫
明沙受水澹疑空客因長路容顏醜鶯占清陰啄舌工
摹寫風光須老手况吾行色太奔急

江界東軒次韻

繡衣行色屬衰年石路千重又暑天
過眼江山渾不省欲題詩句却茫然

滿浦受降亭次韻以示僉使

天限華夷一帶流亭名亦足解邊愁
何年皇帝有遺墓自古英雄唯此樓
風月終歸前輩筆江山留與老夫遊
箇中誰抱平戎策三尺長纓為子求

理山東軒次韻端午日題

渭原江界理山間急瀨傾崖步之艱
節屆天中驚遠客心懸月下夢長安
民病可占時世亂主憂那得此身閑

驅馳畢竟成何事御史為名亦強顏

碧潼枕虛樓次韻

鴨水分荒域胡山對戍樓樓中看太白
鼓角易生愁

蟠松以下熊天使時製述官次集雜韻

植物名品夥孰擅條幹好唐檜誇左
紉漢乘稱羽葆丹桂廣寒宮琪樹神
仙島豈如馬跡邊有此斜枝老貞操
傲冰雪爽氣凌炎潦月影巧婆娑風
枝工播拂偃蹇宿孤雲蟠纏蔭寒草
赤鱗時脫落蒼髯不彫槁庇覆亦已
多梁棟且休道惹龍春色遲浙瀝秋
聲早閑人愛精神志士同襟抱根深
入黃泉葉重蔽蒼昊六月清陰下端

音澤系卷之二
耳大醉倒

郭山孝女

何人手斷織、指持奉慈親當良藥郭山有女真天孝
至今有碑高舉元誠感一時母病痊名垂千載豈不歎
事親盡孝古所難愛曾而來此道絕喪不能奔藥不嘗
男子如斯女何說緹嬰曹娥女中聲此女此行同炳灼
徒知至誠可格天箕生雪竹水魚雖指不如人豈不惡
罔極親恩重河岳此指亦是父母遺親重指輕明若燭
吾東風化傳自古豈獨斯人稟質淑街閭處、旌孝忠
國史民謠可傳述殘碑幸在官道傍句引詩仙賁遺獨

渡清川江

清江一雨夜生波浸盡長洲沒小沈白鷗不是無心物
飛近仙舟脉之過

舟上丹青一小亭亭間仙子水同清微風正慢芳洲瀾
自在中流聽櫓聲

寄題南原同年金君景樂堂次五山韻

乘柘陰中畫掩門一床書卷送朝昏綸巾亞處風生檻
簑笠歸時雨滿村曝藥趁晴還未靜喚牛催種却成喧
林居休道澤無事看盡梅兄又竹孫

此去帶方千里餘迨之南斗故人居還知郊巷無車馬

青溪集卷之二
十一
坐對溪山伴鳥魚，昨夜分明孤枕夢。九秋烟月小堂虛，
覺來詩思盈懷抱。起向晴窓取次書。

送人赴任義州

地盡龍淵駛，天低鶻岳蟠。封疆分華夏，邦國此藩翰。鎖
鑰由來重，論膺自古難。剖方留睿眷，咫尺撤名官。隨處
瓊瑤瑤，臨危鐵石肝。半生春草歌，九死朔雲寒。萬事儘
由命，一麾何足歎。逢回辭玉陛，迢遞隔金鑿。日月臺隍
壯乾坤，枕帶寬江山。能解事妻子，詠幽蘭。

趙景至風玉軒次方翁韻

高人愛備竹，標格愜幽居。相對靜中坐，自然塵意疎。此

君無則俗前輩，語非虛。白首桃溪畔，清閑愧不如。
森之萬竿竹，玉之護郊居。入夢秋聲早，當杯月影疎。風
來夏簟冷，雪壓夜窓虛。對此成賓主，相看氣味如。

送李秀才之松都因遊名山讀書

吾東古稱足形勝，蒼都佳麗皆名區。湖嶺之間鉅京三，
完山鷄林與扶蘇。漢城天府不須說，壯哉西路兩雄都。
羅止未久松又迤，吊古遊客爭相趨。我昔西遊過此地，
滿月臺上行踟躕。江流作襟嶽為冠，一帶城堞相縈紆。
况有天磨與聖居，元氣合沓奇而殊。秋風道上忽開眼，
碧簪叢立撐天衢。歸來準擬得休暇，一卧洞天供鱸烏。

龍溪稿卷之二
風塵汨之計未遂悵望雲表空長吁羨子青春拂袖去
一驢一篋飄之予奇才逸標已可畏愛山一癖真吾徒
千年興廢入俯仰一代人物相招呼山中有寺更清絕
石門松戶宜巖軀蕭然方丈讀書罷一爇時向山前扶
山前飛瀑萬古白霹靂驟雨長虹俱風吹不斷月照空
老木回巖堅更癯烟雲颯爽入吟哦秀氣襲面光敷腴
道遠願養所得多不必開卷徒勤劬詩情藻思十倍加
收拾萬象肯中輸他時刮目儻可期古人有言吾不誣
請君揮翰綴長篇能寄支離老翁無

隣友新築鑿池種蓮以茗酒類會池上吾家兄弟

皆有詩余持斧闕西五閱月還家始見諸作遂次
之

巷閭風味可極遜東里壺觴北里茶衰病邇來多廢事
強隨詩伴賦蓮池

病扶筇竹下庭遲且喚家僮拾墮茶點檢菜畦還藥圃
墻垣缺處見荷池

衰容太早官名遲世事年來看奕碁風雨五更鄉夢斷
江魚何事久誇池

平生宸圃笑樊遲况問愁琴與謝碁最是難忘吾輩樂
清詩白酒碧蓮池

病懶昏之腦起遲燕泥時落汚杆茶坐想北鄰光景幾
夜來新雨綠添池

老夫於藝曼陵遲書劍無成晚學茶酒戰未能摧大楚
詩盟猶欣會黃池

心靜神凝下手遲須知此妙可論茶喜殺摧鋒非善戰
古來良將固城池

右和石泉詠茶

晚種新荷出水遲疊如錢笑點如棊聞說近抽三四朶
擬扶羸病一臨池

右和石泉詠池

敬次倚窓兄韻

倚窓詩老莫言貧頃識吾家別貯春墳麓和唱連床處

把酒論文是五人

附原韻

倚窓

眼前何事可忘貧兄弟團圓過一春忽覺近來歡興
減窓間不見茅三人

次友人韻

薄湯人誰與疎慵子獨知潘生官太拙蕭相節無奇世
事陶然醉功名甚矣衰孤吟少興趣休沐不宜遲
皆言為宦累至處少人知在市誰能挽極山未必奇鼠
肝何得共蝸角自與衰解後方成趣淵明見事遲

贈別請封 世子書狀官

前星承日曜東方殷禮端須籲玉皇自是春坊光學士
送君因覺意偏北全為

雲漢迨之北極賒問君何日返靈槎獨衝燕路一冬雪
頃趨鳴江三月花

曾過蓊北遼陽路多在黃蘆綠柳間望海亭前惟有海
盤山城外更無山

歲換皇城客未歸玉河門掩夜遲燈暗月明應不寐
此時須看老夫詩

贈別洪牧金景進蓋國

華林曾展步清世早馳聲密通通舟掖優游近太清

銓留藻鑑鳴履上蓬瀛榮辱俱殊寵升沉更令名幾年

毛利困今日道途亨摧揖驚風浪低頭避宦榮庭闈憂

短景禁闈籲中誠錫類紆宸眷分章輟鉅卿非關誇五

馬只為養三牲民困今方甚君憂故未平方看推孝友

仔見奠民生耿朝辭陛遲暮出城烏雖先反哺葵

豈輒忘傾桷棘寧容父歸來報聖明

贈別舍弟子始赴京

憶昨朝天日筋骸老不支憐君本羸病較我更衰遲且

斷杯中物無思膝下兒行遇佳處只可少吟詩

五月辭京國千秋賀貳皇應衝遠海雨須及玉河霜鐘

動開雙闕天晴會萬方宮壺拜嘉慶身上遍恩光

東岳李子敏赴任潭陽廣津別席次諸公韻

賞心離思屬青春滿目風光倒盞頰燒後軟莎侵酒席
雨餘新浪沒江湄平生慣作遊方客此別偏傷去國人
五馬雙旌非薄宦早知南服遠楓宸

遊天磨山自泰山寺過寂照等庵憇于寂滅庵飲

于知足庵庵在清靈峰下縹緲特甚經姑姆潭馬

槽淵過大興庵宿觀音窰寺過龜潭遊朴淵夜到

雲居寺寺僧信惠索詩次成校理聯年詩韻

平明跨馬發松都出門風日方清妍輕鳩亂鶯到處嬌

碧溪白石行更鮮高峯偃蹇萬仞古寺塞落今幾年
籃輿出林動磨戾迤屨上石相攀牽觀音像在石為屋
姑母名留溪作淵行逢飛瀑眩我眼下與扶筇步迹邈
銀河倒掛謫仙詠金石頤洞東坡言晴空雨雹灑洞府
望中長劍遙相連盤從九天殷山中影落萬壑搖雲邊
狂雷闖石石更堅勢落地地應穿潭中知有神獸伏
我欲乘之為着鞭飛流却被此物貪不向山外成長川
巖前有竇無底深別作一區龍王天三溪激玉在下風
萬古廬山能比肩仙禽何處去不返舊巢半露莓苔前
老夫平生厭塵濁逸興自此歸林泉山深日落不可住

青溪集卷之二
一六
蒲林回首更依稀黃昏石路月透林恍惚一遇區中仙
鐘鳴佛堂宿方丈卧聽山僧坐念禪山前十載十經過
老境一見知因緣蒲團睡美晚起慵雨庭風閣因踰苑
留題惡詩記勝遊說與山僧莫浪傳

宿雲居寺次東坡宿蟠龍寺韻

山蟠大地聳雲霄泉湧危岩注空谷穿雲梵磬遠遙遙
透林佛燈深煜煜苔逕綠崖下崎嶇笋輿避石行詰曲
僧迎洞門引松炬客登石砌鳴笳竹綺宮清爽夏亦涼
繡戶丹青夜猶燭庭空塔立月皎皎松轉廊回風款款
年來世味薄如雲此時佳興濃於粥起看飛瀑一條白

俯臨穹潭千丈綠銀河落天壯敵廬劍峯橫空險過蜀
欲向高處尋真源舉身安得騎鴻鶴

到知足寺下籃輿步向觀音窟同坐溪石

籃輿磳石乍低回步出脩林坐綠苔激激溪流清滿壑
鴈鳩啼處木蓮開

訪林淵宿雲居是夜大雨驟至明日午後始晴山
僧來言瀑流較社十倍遂乘夕重訪則昨日曾坐
之處散沫殺空不得更坐遂登巖翫賞真壯觀也
一夜龍公何穎脫坐令流瀑十分多松陰昨日銜杯處
飛沫漫空不敢過

寄宿于松都經歷尹汝旭所居小堂堂在大渠上
夜忽驟雨渠水漲溢

客夢昏曉未醒忽驚波浪撼窓擾朝來渠畔人聲鬧
多少村家沒半高

卧雪詩 玉堂課製

不願學乘山陰船短棹水生興易竭不願學着東郭履
赤脚蹋地肌膚裂何如閉門謝賓客縮頸僵卧如鼈鼈
山城野郭路不分何用干人事極肩當今天地已閉塞
鳳在赤霄龍蟄沈韜光窮谷此其時况此歲暮玄陰結
天衢萬里凍雲凝滿空飛花生眼纈崖平谷沒杳幾重

長松夜摧江石缺瀟瀟不流洞庭迷地軸欲拆天關折
白鶴垂翅玄猿噤虎豹哀號行營躡窮山處、白屋寒
瓶倒囊空抱飢渴長天大界入寒寂萬運人蹤一時滅
此時不可叩朱扉闔人怒嗔色不悅此時不可出門行
驢馬凌兢行復跌我有土床最岑寂我有蒲團且清切
頽然冥然卧不起自幸茅簷俗子絕籬摧屋穿不自知
肯掃門前三丈雪瓊瑤繞屋氣色嚴短履生履寒似鐵
無端五馬胡為字蓬蓬還驚長者轍天寒歸去莫重來
靜懷難與官人說起來魂骨十分清且和郢曲歌一闌

擁爐開酒缸 玉堂課製

山堂斗覺衣裘薄風雪朝來撲小窓文武方烘新撥火
聖賢催酌穩開缸挽回暖律能收策攻破愁城已受降
靜裡好懷君記取何如篋笠釣滄江

松回文

堂掩半庭寒落子露華密鶴夜飛翻香殘墮黃堆砌
葉密生飄爽滿園涼影亂時晴月好直枝高處宿雲屯
長眠醉客閑來枕古古蒼苔出老根

回文詩

琴罷靜窓朝起懶細烟香篆寶爐熏林中步絳蒼得鳥
郭外尋花艷撲裙深暮翠簾斜映日遠天晴鶴獨隨雲

陰、綠樹春風暖成衾錦作文

送閔西兵相張晚好古

優游廊廟付諸卿西北年、獨此行豈是君才偏武略
只緣朝議重邊城春晴鐵瓮牙旗靜雪盡香爐玉節明
綬帶輕裘男子事自憐衰白一書生

次芝峯李梅花帖韻

詩老耽梅夜卧遲清詩自與暗香宜莫言相對無詩句
說得無詩便是詩原韻尾句有不賦
詩之語故云云

送芝峯赴京

十年道術夢追想香難摹大野天何際長途柳幾株平

音義卷之二 十九
生遺恨在萬里一詩無仔待奚囊滿歸來示老夫

霞為軒次韻

野濶山長江水橫一丘天為主人成快帆亂逐潮頭上
危檻遙臨鴈背平雨氣挾風秋簟冷月華春浪夜簷明
可能對此孤清賞須喚衰翁伴麴生

次月沙韻贈浮雲師

石溪行詰曲林鳥聽鞦韆忽得厖眉釋相携丈室幽終
宵接軟語開卷總名流拙句將何用他年記此遊

送嶺南監司尹可晦昉

聖主憂邊服雄藩屬重臣使星辭北極卿月耀南民驛

路殘花暮離亭細雨春平生慣為別衰白最傷神

吳德者百吟將朝天寄感索詩多事未副相思萬里

追賦六言聊憑賀至之行敢踐臨別之約

沉靜儕流輿望文章兄弟家風兼膺使事兩重故選名

位雙隆別處恨乘駝馬詩成喜有魚鴻愛裡祗今脉

西郊把手忽公以千秋使燕謝恩使拜表時
余以執義不得錢只搦手以別

追寄書狀官李君植立

每恨慵相訪他邦况遠行吾衰偏惜別子病最關情天
接遠河濶雲浮薊樹平離懷因少睡枕上計歸程

次友人韻

青溪集卷之二
頽脫綸巾醉墮簪逢人兀兀似聾瘖舊交窮鬼至今在
脫契睡魔乘午尋芳草遍時多好雨亂鶯啼處有濃陰
風流放曠真吾性白首何為久陸沉
白髮搔來雪滿簪坐成癡絕嘿成瘖詩翁得句時時寄
酒伴提壺款款尋愧乏絲毫酬雨露謾隨鷓鴣送光陰
無端點檢平生事落盡燈花萬籟沉

寄贈尹察訪送顯世

勞之役之此何生為問天公欲上征浮世升沉雖有教
吾儕離合最關情益車峻坂甘辛苦靈髮華銜愧聖明
个里一官今再別片心搖颺劇懸旌

除夕

秉燭須終夕披衣不用衾迎新留舊釀送舊有新吟
耿耿星河淡寒之夜漏深古今多心事向此儘銷沉

奉別安邊府伯李時發

養父道方伯

暮年京洛厭緇塵要管山河卧理民閑吏解看龍節舊
邑氓忻逐虎符新北門第一天開府東嶺前頭海作鄰
須拾風光勤慰我若問街兒笑像人

遣懷以示同僚九畹李春元

勞之嘿之果誰尤報國謀身兩謬悠百歲浮生餘幾日
四時光景失三秋人心似面難看取世故如毛易白頭

局束無能終不去強顏還為昔賢羞

隣友寄詩賀余陞資次韻還寄同約父湯

清詩高價抵南金多謝良朋屬意深豈有才能堪盛獎
濫紆榮寵愧初心但將美酒酬佳節更喜韶光上遠林
山麓雪消新爰出不妨聯袂共行吟

我將赴京索別童子韓平李仲集台相則答曰吾
方以巡檢使南行君若贈我以詩則當酬贖我不
敢辭先作此以呈

邊事多虞日邦誣決雪時使車將北向台駕忽南之受
鉞君差近乘槎我已衰臨歧不敢語為乞謫仙詩

記舊遊贈卞誠之佐幕關東

率人愛金剛願生香東壞胡為此邦人老死或莫訪自
是無公分豈盡厭清賞我作東都賓夙懷曾一暢知君
亦非俗此行天所既今當別離席舊遊追想像滿懷尚
風烟在舜為君放憶昨丁未秋風日正清亮幕府公事
稀拜別請孤往間途清平僧約伴昭陽觴益城辦行騰
通溝修竹杖先登斷髮望白玉羅幃千嶂行入洞天但
覺心魂爽長安抵表訓應樓各殊狀山中昔大水巖壑
遭滌盪崖崩野槎橫巖斷行逕在綠溪石梁架空橋
草創竊攀維窘束瞻眺轉清壯峯瞻十五立洞汭百川

龍溪稿卷之二
二
漾盤田者巖峻角立起爭長氣像各奇峻心實殊憮恍
路後五賢轉谷到萬瀑曠方知人寰陋却驚世界朗清
寒入骨髓情境還悽愴龍潛水與雲鶴去崖墮鼈群尖
拱正陽萬疊圍屏障象香爨真並毗盧高孰抗卷危掛
在壁銅柱高千丈鐵鎖誰創始峯兀駭瞻望凌虛眼已
窮凌險頭或搶攀蘿踏香藤直登雲漢上天風吹伶儂
股栗神都喪圓通清更幽天德高而敞最愛摩訶衍叢
巖環在傍聞說九龍邃欲進迷所向巉巖未易攀半途
空惆悵鴈門高接天登陟頻跌踴墜率夜憇宿佛頂晨
倪仰荒、兩儀分浩、元氣旺扶桑咫尺間日輪生沈

淋飄、若遺世身在半空颺遙看十二瀑醉興方跌宕
船巖解宿醒榆岵供午餉銅鐘西域像金字新羅榜回
頭仰羞、舉目臨汪、巨細與短長奇麗爭相尚造物
本豪氣天地真偉量山蹊倦陟降海路叙興况故人佩
郡章密席傾衙釀留人發琴歌訪景駭益益金欄資月
斧石叢頹天匠波恬舞百恠風慢吹五兩方舟亦停柁
快馬初整鞅輿傾校道危蹄疾鳴沙響三山定不遠四
仙應無恙久聞三日遊緬起千年想清澗水拍窓洛山
雲生帳半夜倚闌干皓月生莽蒼瀛洲擅名區占地稍
寬廣方湖洞銅鏡小島森篠蕩句存半綠苔人去遺清

唱物色故無盡分留與吾黨蒼茫滅都墟蕪沒焉王奠
竹西俯澄碧望洋危且允以明越松亭形勢最壇壤透
迤一千里原隰少墟壤沿途多恠石激岸散駭浪列嶼
露疑髻恬波平若掌雙、眼中鷗點、天外槩懷便欲
休脚遇勝還技癢欲罷不能已習氣勞且強通來十年
間魂夢驚疇曩筋骸已摧低志氣猶骯髒塵寰備清境
陸沉嬰世網至今有遺恨不得窮蕩、去矣莫逢留清
債宜早償卑官足安身高位速官誇壯遊須及時物外
堪頤養朝叱寒木蘭夕洲攬宿莽道險身亦平詞人不
汝廷豈學世上人出門心恫、征人思趁忽老別情愴

恨臨岐一首詩聊以供覆醬

投壁濟河詩

時或場出此題見居職起作讀不
可了余即撰筆作五言詩示兒輩

此河誰與濟此壁不足惜投之水中矣以心不易請
舅且少安聽我布肝膈昔我與舅氏共遭陽九厄二五
耦朝政一猶毀宗祏椒宮地忽墳金殃亡嗣嫡薪城遠
尋師骨肉終乖隔袪在寺人手身走蒲與翟奔巨類
雌倚仰天地窅舅與四五臣左右為羽翮亡人但懷安
我舅惟義通仁親可作寶野塊宜勿擲抽出醉中身密
勿乘下策向來老成謀一、誰所畫盡我脫昏蒙拯我
置枉席茲皆我舅賜天乃誘秦伯歲星次鶉尾天時在

龍溪集卷之二 二十四
此夕謂舅終始之共圖近國脉行鞭住河上故國纒起
尺胡為奄告別遺以手中璧後余昔何厚棄余今何迫
拜受且稽首欲誓還取踏心驚平擲此萬頃玉一隻回
旋又乃沒直至馮夷宅云余止在外年光十九積艱關
險阻間出入扶且掖有怨舅則補有教余或逆我實有
罪矣舅何反自譴疑生不疑地是實余之責予所負舅
氏有如河水白舅雖怨余共河神豈余釋河之水洋洋
北注亘今昔昔出既同濟今宜踐舊跡相將歸故壙洒
掃淨疆場挽河洗國耻紀功光簡冊臨河會理璧與舅
保無欺

禁中得酒回次山谷演雅

不堪章服饑虱裏飲聞禁城熊廂邏生涯鳩拙計易違
世故蝟起愁難破鷄人催漏報曉籌鶴髮盈梳供日課
春陽迥發金雀高乍向烏几甘歌卧不學轉鳳燒丹鼎
豈要鷹爪碾玉磨惟憐春甕蠶縠陵滿酌鸕鷀還自賀
人間萬事蝸兩角眼前二豪鎮與羸靈均獨醒魚腹葬
袁盎醉免鯨鯢禍三杯浮蛆作氣力一斗鵝黃洗寒餓
鷄窠斲杯真惡客馬圈乞郡風流過鶴長鳧短天所賦
虫臂鼠肝無不可藝虫事業且休道爲狗文章還自詭
燕巢幕上豈知危夢庶隍中恐傳播亡羊雖異乃一道

龍溪集卷之二 二一五
失馬之翁惟喜跛并蛙自多江海小愛足有餘秋毫大
蟻穴功名梁一炊駒隙光陰石上火龍章蜂目俱朽骨
但見麒麟卧蓬顆况今佳節屬鶯花身作籠禽掩青瑣
醒如癡蠅醉如泥綢甲枯枝吾喪我

滯直銀臺

經旬鎖直近天宸孤負芳菲過一春杜酒村醪應已熟
野花園柳幾多新願投履履紛紜事去作安閑寂寞身
可惜形骸都未管始知為宦不如民

贈別賀至副介

堂之八尺氣如虹局促偏荒鳥在籠天借壯遊酬夙願

眼窮奇覽得袂工陽生紫極千關閉鍾動丹墀萬國同
自此肯懷寬一脩歸來驚倒白頭翁

送伴鶴赴任海州

伴鶴宋
明猶也

榮辱君曾慣浮沉我飽更分章真上策待漏惱殘生荷
畔新堂敞沙邊亂鳥晴想知高卧處百里頌仁聲

浮碧樓次韓世能韻

以下丙辰以警
忌副使赴京時

嵐光儻綠水藍青依舊湖山似有情引舫細風魂已醒
倚空新構眼仍明沙長乍度落霞影津晚遠傳歸棹聲
映月滄霖今夕霽天公元不薄浮生

龍灣聞曉雨想家垣頽盡

有碑無鼎老子家南墻半缺北墻斜分明夜雨頽應盡
埋沒庭除石竹花

統軍亭次韻

客子登臨倚晚晴物華迎眼集高亭截雲皓鶴聲如色
蘸水明霞影勝形人世百憂雙鬢雪海山千里此身萍
淹留十日無佳句還愧平生識一丁

七月初三夜

驟雨快一收天文明歷、殘暑整行裝夜涼生几席呼
兒下錦帷睡魔頗清適羅扇未遽疎竹簟情已薄明朝
過江去好風應來逆遠陽蘆葦間不復憂豹脚

七日席上示座客

江頭柳色減年、折盡長條嘗贈天風漫海月迷必浪
雨殘山郭澹秋烟靈橋天上坊佳會影關以開疑別送
明日酒醒何處宿碧雲回首兩茫然

雙嶺路上

遠客身難穩長亭日易斜馬遲川屈曲與側石叔牙望
、紛千嶂行、只數家僕夫飢更倦投宿後栖鴉

青石嶺

青石嶺前石如玉拂拭秋雲光陸離顛斷嗟我作大硯
挹取溟渤添星池拈却長杠五色筆高掛霜縮天上垂

萬里風雲盡收拾供我馬上千篇詩在揮亂洒大醉中
眼底巨細都不遺

白塔在遼東廣祐寺

西天白帝玉為京象教傳方鎮塞城高標直衝銀漢迥
晴光遙對靈山平日回鐵朶千尋影風送鈴鐘十里聲
秋月滿空遼鶴過縞衣相近不分明

遼陽書事十韻

地理幽州城乾文析木躔雲霞連陸海封壤近腥羶
踞貞觀日圍城大業年荒祠今尚鬼陳蜀古多仙風俗
萃夷雜關防節制專肆居燕市貨人坐羯奴瓊虛館迎

東國危樓拱北天乘槎曾戾止開眼却依然白塔千尋
雪垂揚十里烟竹招萃表鶴訪舊共編遷

遼陽即事

冒雨平明入衝泥日暮還只思無辱命何敢厭間關
萬里行將半三更夢獨遠浮雲連海嶽何處是鄉關
訪遼陽城南韓叅將別墅

聞說林居好聯裾共一過風亭籠野鳥苔井灌池荷留
客杯盤淨誇奇樹石多婦拙還慵、日暮奈愁何
路傍屋

車馬塵邊屋兩間東邊茅落西邊倒四無鄰舍烟火稀

借問生涯有何好

自牛家庄向遼河隄圻不得渡久坐水邊

秋水長垣圻謀船暫駐輿行看浮鼻犢坐翫掉頭魚詩
句偶新得客懷聊一舒眼窮天不盡何處是皇居

盤山路上

雀鞏連天遠風烟接大荒淤泥魚少味黍稷酒無香隄
塹驟蹄脫蚊蚋客面瘡廣寧行漸近拭目望山光

東關曉吟再用前韻

功名劍首尖客思刀頭還安排有餘地萬事不相關
此地胡山近胡來牧馬還居人戒早發日出始開關

山海關次舍茅韻

聞舊主人趙曠已死有
子適在村莊訪之不見

乍醉城東酒坐待開晚鑰入門天未曛投店日西落舊
館無主人梁月想顏色昔我詠雄關居然見推服款
露心肝置酒白如玉蒼茫十五年悵悵平生屋篋中有
老筆哀詞一濡墨即君問何之隣笛亂心曲

望海亭次舍茅韻

形勢何縹緲眼界何曠宕岵峿海中央壯觀誰復抗吾
東山水窟半世飽尋訪迹遍萬千峯俯瞰溟渤漾目中
天下小於鳥獨嘉獎迥立高伶俦慄慄難久賞秦皇島
何許姜女墳堪愴快倒酒一斗襟懷乍滌盪

射虎石

飛將夜歸天昏黑挽弓射虎虎是石將軍見虎不見石
石飲矢羽深一尺猛氣所觸山岳隳草中斥石軟如皮
人歸上天石在地想見後臂張弓時

在途兩朔未嘗遭兩身亦無恙薊門路上喜吟

王事身何惜天公念獨饒川原長白日楊柳又清颯漸
覺皇城近還忘故國遙斜光鞭影轉行色正飄

秋夜二首

流雲護月天夜明愁人錯疑晨光生起視雲罅星動芒
畢昂尚在中央擁衾還卧戒童子日上東窓喚我起

風吹落葉鳴前蟬一犬卧吠群犬隨此乃秋聲又商聲
非虎非盜爾何驚火雷火日吠雨無秋葉秋聲何處無

冠玉回事移柙西館寄贈冠玉程許使金
鑿字也號北渚

寂、秋聲遠真、落日低殊方共作客孤館不同柙頗
拙誰相問襟懷祗說題乾愁無處看獨立暮鴉啼

再用前韻寄冠玉

他方身局束暮歲意摧低秋月又虛度客居還獨柙
因無事飲詩豈有心題却羨安巢鳥林深自在啼
杳、鄉關道重雲入望低夢面枯葉墜冷到暮鴉柙
對燈前影荒尋僻上題莎鷄亦何事新近客床啼

次冠玉韻

金風料峭澹星河異地光陰問幾何霜葉墮來秋影薄
晚鴉啼了夕陽多羈懷寥落門長閉旅次荒涼客未過
約訪西墀清越下一杯談笑當絃歌

門外衝塵墻外河觀周雖美奈愁何忽驚佳節重傷近
爭耐歸心薄暮多惟有好詩朋兩眼暫開晴牖讀三過
驅除客恨無餘事慚負宣尼和善歌

故園烟樹隔山河久客其如感慨何百歲親交知有幾
三秋餘日已無多身同蜩化末頭住夢作鴻飛漢北過
我本思鄉非為世肯從燕市學悲歌

霜風夕起凍銀河寒逼孤衾不奈何夢逐浮雲中夜斷
愁如落葉九秋多殊方歲月黃花晚故國音書白雁過
賴有西廂同伴在若為携酒聽琴歌

星斗迢迢露洗河神魂寥廓入無何歡情老去三分減
客恨秋來一倍多旅鴈截雲孤影沒禁鐘和月數聲過
寒燈挑盡涼生枕卧覓新詩坐復歌

南飛鴻鴈西流河不為旅人少住何田事闌珊獵弓墮
綠叢蕭索紅葉多黃花白酒別離近一歲三秋愁病過
客恨無邊底處著強吟便作商聲歌

吳體

寸步相思如隔河旅懷秋思兩如何縱橫筆力君方健

青溪集卷之二 三十一
交錯觥籌我較多館裡詩筒類見寄
墻頭酒盞孰能過
擬將力疾扶藜杖開卷携杯共咏歌

君詩雄辯劇懸河才盡衰年奈爾何
黥陣已驚嚴井
韓兵更見辦多
今朝投甲牽羊逆他日潛鋒京馬過
勝一老龐知不武凱還烏用大聲歌

有看如阜酒如河良友佳辰奈病何
共對黃花君最健
還憐白髮我偏多
須知好事年
減惟願高軒日
過來歲三清應後會異方烟月入詩歌

聞君近日渡瀘河獨滯燕城意若何
久客斗鷲離太苦
殘年因覺病還多
一中酒醒愁難盡
三上詩成事易過

庭樹暮陰秋欲老倦吟悽楚敵驪歌

金丁兩使與三書狀會于西庭樹下置酒伴邀余
脚病未赴以詩謝諸友仍用北渚前韻

世間人事閱江河自視無能衆謂何
老與毛錐太情薄
愁知魯伯獨功多
荒詞為子衰猶強
多席如今病未過
坐想婆婆秋樹下詩談時復問絃歌

用前韻送別北渚東還

殊方光景似奔河客裡閑愁閱幾何
黃菊正開儔侶散
黑貂將盡雪霜多
燕鴻喚我三更起
塞月隨君萬里過
孤館閉門秋寂
為誰沽酒發商歌

病中擬贈翹生

吾君風味孰能如，衰病年來分漸殊。夙歲許為知己友，何心輕作絕交書。浮生世事愁多處，好月佳賓興之初。儻遣老夫身更健，舊情須向此時舒。

造爾神功古無如，可憐還被聖人踈。勾牽李白為豪句，撐撥張顛作草書。攻破愁城談笑際，挽回身世混茫初。秋毫總是儀生力，壺裡乾坤四體舒。

多病久廢酒快倒數杯復次前韻

北裡浮生一夢如，眼前賢聖不宜踈。香山愛續伯倫頌，孟德何知文舉書。鄉信杳茫秋盡後，客居寥落月初初。

君為春雨吾為草，纔得霑濡氣發舒。

石鼓

字滅文漫何代年，昔人曾說是周宣。昌黎歌裡生蛟斷，坡老詩中缺月妍。幸際辰辰當五百，欣看遺跡隔三千。手摩袖拂尋跟肘，猶勝烟窓閱蠹編。

天壇十韻

紫極烟霞秘，玄都洞府寬。百靈朝寶座，三曜拱園壇。月暈雕牆曲，雲屯翠柏攢。龍承柱，標鏤鳳，抗簷端。複戶青瑤箔，重階白玉欄。琉璃隨履滑，金貝拂衣寒。瓊磴攀登快，珠庭步武難。素塵侵遠祀，郊禮想鳴鸞。韶護天神

格芬馨品物歡昇平行幸簡時許遠人者

燕都

千門曉闥五更鐘粧閣歌樓杳百重塵漲九衢人似蟻
霧縈雙韃馬如龍燒香下箔沉檀迥喚客開樽琥珀濃
簷掛瑤燈深夜後幾家羅帳掩芙蓉

表裡山河社帝居彩屋巍構映金渠華衣遊冶江南賈
大輻嗟我前北車靈廟時逢古畫牙籤處賣新書
四方無事昇平久物漸繁夸網漸疎

發盧龍向七家嶺

徘徊萬柳村蹊獨孤竹路山黃夕陽斜水明秋霞布

箸人晚歸路約僧孤渡風景豈不佳行人行獨苦今宵
宿何處天際着烟樹

驟倒輿傾偶作

輿倒薊門烟樹邊霜髯飄拂北風前老子愛書堪自笑
手中猶把鶴林編

是時行色甚困因記所見戲成六言

醉譯官騎焙馬瘦驢子欺病奴駕蹇駟載老使當短星
行長途

曹庄路上

歲暮風霜厲行人苦未平驟顛水半裂鴉亂日初生遠

青溪卷之二
海連鄉國胡山近塞城鴨江知遠近嶼上笑前程

東昌路上

稍之東方近行、北極遙人烟當塞以水草出關饒水
結霜髯重風禳靈意驕休言村酒薄三盞敵豐貂

到新安送月沙赴京悄悄獨坐定牧以沙詩示之

目用其韻追寄其行

十年前余赴京以
迎慰留此相會而別

歲暮窮陰耿不開滿山飛雪淨無埃塞鴻塞落寒聲斷
城日荒涼暝色催萬里去來俱老境十年離合更深杯
酒醒人散風生館坐想水途馬幾頽

龍溪遺稿卷之二



